


CFA

5

SUSUKYEREW



KASA MBRA

Mfantse kasa ho mbra

NYIENYIM

Dem ɔfa yi kasa fa susukyerew ahorow ho. Susukyerew ne nkyerewe yε nyimdzee soronko a ɔnnyε Mfantse kasa nko mu na ɔwɔ mbom Borɔfo kasa na dza ɔkeka ho mu so bi wɔ ho.

Adzesua no bɔkɔ ewiei no, na osuanyi no tum;

1. Kyerew amandzεebɔ susukyerew
2. Kyerew sukyere susukyerew
3. Kyerew nkyerεkyeremu susukyerew

Adwentsitsir

- Susukyerew yε akyerew bi a ɔda adwen edzi. Susukyerew biara wɔ asentsitsir bi a ɔdze to gua. Hom bosua susukyerew ahorow ebiasa ne nkyerewe. Iyinom nye amandzεebɔ susukyerew, sukyere susukyerew na nkyerεkyeremu susukyerew.
- Amandzεebɔ susukyerew yε Susukyerew a ɔbɔ biribi a esi ho amandzεe. ɔyε akyerewsem a ɔkasa fa asem pɔtsee bi ho dze da obi no suahu edzi.
- Sukyere susukyerew yε kwan a yεfa do ma esuafø kyerεkyere nyimpa, bea bi, tsebea bi a obi akɔ mu anaa biribi no su wɔ susukyerew mu.
- Nkyerεkyeremu susukyerew yε susukerew a ɔma biribi ho nkyerεkyeremu. ɔma nkyerεkyeremu mapa fa tsirasem bi ho, mbre wosi dzi dwuma bi ma no ho nsem da edzi yie.

ADZESUA NO MU NSEM

Hen adzesua a otwaa mu no mu no, yesuaa biribi faa susukyerew ho. Ana ekaa **Adwentsitsir asentow'adzeban? Ebénadze nye asentow a ɔma nkyerkyeremu?**

Enye wo nyenko mpensampaensa mu na kyerew wo mbuae. Afei, fa wo mbuae no toto nkyerkyeremu a ɔwɔ ase ha yi ho.

Adwentsitsir asentow na asentow a ɔma nkyerkyeremu ho mbobodo

Adwentsitsir asentow ye dza okitsa adwen pɔtsee a asensin no dze roto gua no. Asentow a ɔma nkyerkyeremu so ye asentow biara a ɔwɔ asensin bi mu na ɔboa ma adwen a ɔwɔ adwentsitsir asentow no mu no da edzi yie.

Susukyerew

Nyimpa hia nyimdzee mapa ana oeetum akyerew susukyerew. ɔwɔ de ɔkyerewfo no tum boaboa ne nsempɔw ano yie na ɔdze to gua wɔ asensin mu. Mbre yesi ye iyi nye de, yεboaboa nsɛm a wodzi nsɛ ano. Yεkyerew hen nsensisii no ndzidzido na yεma nginyinado a ɔfata nye ntotoho de mbre ɔfata.

Susukyerew ye akyerew bi a ɔda adwen edzi. Susukyerew biara wɔ asentsitsir bi a ɔdze to gua.

Amandzeεbɔ susukyerew

Amandzeεbɔ susukyerew ye akyerewsem a ɔkasa fa asem pɔtsee bi ho. Otum ye abɔtsirmusem anaa nokwasem. ɔye ehiasem de ɔkyerewfo no dze kodzisem ho nhyeheyε a ɔwɔ hɔ dada no dzi dwuma. Iyi bi nye, kodzisem no ne nginyinado, adwenkyere a ɔbɔ ebira na ne nkekaho a ɔhyε akenkanfo nkuran ma wɔkenkan. Yεtaa dze dzinhyeananmu me, mi, mo, mu dzi dwuma. Se ɔye nokwasem a, ɔwɔ de ɔkyerewfo no nya nginyinado. Kabea a ɔtaa dzi dwuma wɔ ha nye apaho kabea. ɔwɔ de nsensisii no ne nkyerkyeremu no ye esiado esiado. Kasasu ahorow nye adwenmu mfonyintwa ho hia yie de mbre akenkanfo enyi bεgye akenkan no ho.

Nsem bi a yebotum akyerew ho amandzeεbɔ susukyerew

- Kyerew dza osii wɔ da a odzi kan a edze kɔr skuul.
- Kyerew edziban a epε ho asem.
- Kyere Borɔnya akwanma a ndaansa yiara idzii no ho asem.
- Kyerew asem bi a osii a inyaa mu esuadze bi.

- Kyerew wo mbədzembə bi a wo werə nnkefir da na kyere mbre isii bəo dəm mbədzen no.

Dwumadzi 5.1

Kyerew adwentsitsir asentow bi na ma ho asentow a ɔma nkyerəkyerəmu ebien.

Dwumadzi 5.2

Kenkan dza ɔka do yi na fa woara wo nkasafua kyere amandzeebə susukyerew no, no su. <https://open.library.okstate.edu/internationalcomposition/chapter/unique-characteristics-of-the-narrative-essay/>

Ekuwekuw dwumadzi

Gyina dza esua no do na pənsampənsa nyimzee mapa a yədze hyehye hən nsəm wə asensin mu esiado esiado.

Amandzeebə susukyerew ne nhyehyee

Amandzeebə susukyerew wə nhyehyee a ɔma akwankyerə ma edze kyere susukyerew no yie. Kenkan dza ɔwə ha yi.

<https://mhcc.pressbooks.pub/app/uploads/sites/31/2021/07/Narrative-Essay.pdf>

Dwumadzi 5.3

Hom mpənsampənsa dza hom suaan wə akenkan no mu no mu.

Fa dza isuae no toto amandzeebə susukyerew ne nhyehyee a ɔwə ase ha yi ho. Nhyehyee no nye nyienyim, asem no ankasa na ewiei.

1. **Nyienyim:** Iyi na yədze hye amandzeebə susukyerew ase. Iyi na ɔma ɔkenkanfo no nya akəndə dze kenkan susukyerew no. Nyienyim no na ɔda dza yereka ho asem no edzi na ɔbə nsəntsitsir a ɔbəba akyerew no mu no təfa. Yetum dze asembisa a onnhia nyiano hye ase. Afei, dza ɔkyerewfo no rebəka ho asem no ho nyimdze bi so tum ba nyienyim no mu.
2. **Asem no ankasa:** Ha na ekyerəkyerə w'asem no mu ankasa. Otaa ye nsensin ebiasa anaa no mboree a biara kitsa asentsitsir asentow na

nsentɔw nkaa a ɔboa nkyerɛkyeremu. Ha na eka w'asem no ankasa na adwempɔw ahorow a ɔse dε ɔba wɔ akyerew no mu esiado, esiado. Ber na bea pɔtsee a nsem no sisii no ho hia papaapa. Nsentɔw a wɔba nsensin no ewiei no taa yε dza wɔtwe adwen kɔ asensin a ɔtoa do no do.

3. **Ewiei:** Ha no, boa nsentsitsir a aka no nyinara ano bɔ no tɔfa. Fa wo nsem no nyinara bra ewiei.

Twe akenkanfo hɔn adwen kɔ dza aka no dada no do fa kaakaa hɔn.

Dwumadzi 5.4

1. Beenu biara nkyerew ndzɛmba a no ho hia dε ɔba asem no ankasa mu wɔ amandzeεbɔ susukyerew mu na hom mpensapensa mu wɔ hom ekuwekuw no mu.
2. Kuw biara nkyerew nsensin ebiasa a ɔfa afahyε bi a ekɔr ase ho. Kenkan dza akyerew no na enye w'anyenkofo nye ho mpensampensamu.
3. Hom nkenkan akenkansem a ɔwɔ ase ha yi na hom nhwehwε asensin biara mu asentsitsir anaa botae nye ndzɛmba bi a ɔkyerewfo no dze twe ɔkenkanfo n'adwen kɔ akenkan no do.

M'adzesua wɔ esuapɔn mu nyina no, nna minyim adze mapa. Nna me maame so robɔssɔw n'adzesua do. Ber a midzii nkogu wɔ nsɔhwε a metaa bɔ mbɔdzen wɔ mu, mu no, m'abrabo totoe a nna munnu dza menye moho.

Muhun moho de medzi ɔkogu koraa.

Midzii m'awofo nye mara moho so huambɔ. Afei, suro nye abawmubu hyεε mo do. Moho boow me da mu no nyina na mibisaa moho dε, aso dza esi no nnkehaw m'adzesua ntoado? Ana wobeyi me edzi anaa? Mbre ɔbeyε a bɔn bi nnkɔto me no, m'awofo na afotu mu enyimdzifo nye me kasae ma minyaa awerekyekyer. Hɔn adaworoma, wɔmaa m'enyi baa moho do ma muhun de enyidado wɔ hɔ. ɔye nokwar de nsɔhwε kese a ɔtse dem mu ɔkogu nnda famu naaso mubotum aye edwumadzen ahwehwε kyerekyerenyi a ɔbɔboa me wɔ m'adzesua nkaa no mu ma mo mbɔdzembɔ aakɔ kan.

Muhun de ɔkogu ne dzi ka abrabɔ ho. Dza ohia nye mbrε yebesi esuo mu. Mesanee so hun mfaso a ɔwɔ afotu ho. Menye me kyerekyerenyi no hen nhiamudzi no maa metsee ndzɛmba ase yie. Iyi maa mo mbɔdzembɔ

kɔr sor. Nokwar, iyi ama mesua dε, abrabɔ mu no, ɔmmfa ho akwansidze ahorow, ɔwɔ de daa yεper kɔ kan. Iyi na ɔdze nsesa kεse baa m'adzesua mu ma medu mbre medu yi. M'enyi agye adzesua a menya no dza osii yi mu na mpontu a ɔdze aba m'abrabɔ mu ho.

Sukyerε Susukyerew

Ebenadze nye Sukyerε Susukyerew?

Iyi ye kwan a yεfa do kyerεkyerε nyimpa, bea bi, tsebea bi a obi akɔ mu anaa biribi no su wɔ susukyerew mu wɔ kwan soronko do ma asem no aada edzi yie. Ohia dε wɔhyehyε no yie na no mu nkasafua da atsenka edzi.

Sukyerε Susukyerew ne nhyeheyεε

Iyi ne nhyeheyεε tse de amandzεεbɔ Susukyerew dze no pεpεeper

- Nyienyim:** Iyi ye nsem bi a ɔpa dza yerebeka ho asem no ho tam. Obotum ayε asembisa bi a onnhia nyiano na mbom sε yeriyi ano a nkyε ne nyiano bɔtwetwe akyerew no mu nsem epue.
- Asem no ankasa:** Ha na yεka akyerew no mu nsempɔw no ankasa kyerεkyerε mu yie. Nsensin ahorow a ɔwɔ ha no mu biara dze asentɔw tsistir a ɔma akenkanfo no enyi gye dε wɔbekenkan bi hye ase. Dεm nsentɔw yi tum ma yεdze adwen bu nsem a yebohu wɔ dεm asensin no mu nye no ho mfatohoa a ɔfata. ɔwɔ de asensin biara da adwen fofor edzi.
- Ewiei:** Ha na eboa dza aka no nyinara ano bɔ no tɔfa. Iyi mu na edze wo nsem no nyinara ba ewiei dze twe akenkanfo hɔn adwen kɔ dza aka no dada no do.

Tsirasem ahorow a yebotum akyerew ho sukyerε susukyerew na ɔka do yi.

- Sen bi a m'enyi gye ho
- Buukuu bi a m'enyi gye ho papaapa
- W'aborɔkyir nkoree a odzi kan
- Wo nyenko brεbo no ho asem

Dwumadzi 5.5

1. Gyina dza esua no dada no do na kyerε Sukyerε Susukyerew ase. Nsorsoree ben na ɔda Sukyerε Susukyerew na Amandzεεbɔ Susukyerew ntamu?

- a. Afei, hwε sen yi na kenkan dza ɔwɔ ase ha yi. Enye wo kuw mba nyε mpensampensamu mfa Sukyerε Susukyerew ne nhyeheyε ho. Nhyeheyε no mu hendze na no ho hia papaapa na ebənadze ntsi a?

A descriptive essay - Search (bing.com)

Dza ɔwɔ dε yεhyε no nsew

- ɔwɔ dε no mu da hɔ ma akenkanfo nya ntsease prekoper na ɔnye tsirasem no kɔ.
- Fa kasasu ahorow tse dε ngyinahɔma dzi dwuma. Afei fa dzin tamisi na nyε tamisi so dzi dwuma.
- Fa tsirasem no ho nkasafua mapa dzi dwuma ma akyerew no ndzi mu.

Dwumadzi 5.6

Kenkan dza ɔwɔ ase ha yi a wogyina do dze kyerew Sukyerε Susukyerew yi.

1. Dzi kan yε nhwehwemu wɔ tirasem no ho na fa nya adwen ahorow. Hyεhyε wo nsəm no dε mbre ɔsε.
2. Hyε ase kyerew wo nsəntsitsir no gu hɔ esinesin.
3. Afei kyerew wo nsənsin a asəntɔw tsitsir wɔ mu no na kyerew wo nsəm no yie ber a ehyehyε nsəmpɔw no ndzidzido.
4. Kenkan mu hwε na yε nsiesie biara a ɔfata ana eyi wo nsa efi ho.

Dwumadzi 5.7

1. Hom ntsena ekuwekuw na hom nkyerew sukyerε susukyerew mfa tsirasem '**Mbre Ghana nsaase no su tse**' ho na hom ndzi nkɔmbɔ mfa ndzembə ahorow a hom hwε ho dze kyerewe ho. Hom nyε krado dε hom dze dza hom akyerew no na ndzembə ahorow a hom hwε ho dze kyerewe no bɔto gua.
2. Hwε mbre wosi dze kasa dzi dwuma wɔ sukyerε susukyerew na amandzeebo susukyerew mu. Hom mfa dza hom hunii no nto gua.

Nkyerεkyerεmu susukyerew

Iyi yε susukyerew a ɔma biribi ho nkyerεkyerεmu. ɔma nkyerεkyerεmu mapa fa tsirasem bi ho nye mbre wosi dzi dwuma bi ma no ho nsəm da edzi yie.

Mbre wosi kyerew Nkyerekyeremu susukyerew

Ansaana ebekyerew nkyerekyeremu susukyerew no, ɔwɔ dε etse tsirasem a wɔdze ama wo no ase yie. Tsirasem mfatoh bi nye iyi:

1. Ebənadze ntsi na ɔwɔ dε nyimpa kɔ do ara kɔ wimu nserahwε?
2. Kyere adwenmu apɔwmudzen ho mfaso.
3. Kyerekyerε ndua a wotwitwa no basabasa no nsunsuando.
4. Kyere mbre abaefor nkitahodzi kwan si nya nsunsuando wɔ adzesua do.

Sε erebekyerew nkyerekyeremu susukyerew a, ohia dε ehyε dza odzidzi do yi nsew.

- a. Kenkan dza erekyerew afa ho no yie na nya ntsease no prekoper.
- b. Kenkan nsɛm fa tsirasem no ho. Dza ɔkyer w'adwen biara, bisa wo kyerekyerenyi. Ibotum akenkan nsɛm no bi wɔ abaefor ntentan do anaa mbuukuu ahorow mu.
- c. Kyekyε dwumadzi no mu nkakrankakra na kyerew.
- d. Dwen mbre ibesi ahyehyε wo nsɛm no dε mbre ɔwɔ ase ha yi.
- e. Gyina wo nsɛm no na susukyerew ne nhyehyεε do kyerew nyienyim a ɔfata.

Ndwendwenho dwumadzi

Iyinom ekyir no, ana nyimdzee fofor bi hɔ a ibehia a?

Nkyerekyeremu susukyerew ne nhyehyεε

Nkyerekyeremu susukyerew ne nhyehyεε na ɔka do yi.

1. **Nyienyim:** Iyi na yedze hyε nkyerekyeremu susukyerew ase. Iyi na ɔma ɔkenkanfo no nya akɔndɔ dze kenkan susukyerew no. Nyienyim no na ɔda dza yereka ho asem no edzi na ɔbɔ nsentsitsir a ɔbeba akyerew no mu no tɔfa.
2. **Asem no ankasa:** Ha na ekyerekyerε w'asem no mu ankasa. ɔtaa ye nsensin ebiasa anaa no mboree. Ha na ekyerekyerε mbre wosi ye biribi na adwempɔw ahorow a ɔse dε ɔba akyerew no mu esiado, esiado. ɔwɔ dε asensin biara da adwentsitsir kor edzi.
3. **Ewiei:** Ha na eboa dza aka no nyinara ano bɔ no tɔfa. Iyi mu na edze wo nsɛm no nyinara ba ewiei dze twe akenkanfo hɔn adwen kɔ dza aka no dada no do dze kaakaa hɔn.

Hom mbue dza ɔwɔ ase ha yi na hom nkenkan nhwehwε nhyehyε no. <https://www.quora.com/What-are-the-characteristics-of-an-expository-essay>

Dwumadzi 5.8

1. Kyerε susukyerew ase. Fa wo nyiano no to gua.
2. Beenu biara mbue na hom nkenkan susukyerew mfatoho a ɔwɔ ase ha yi.
<https://assets.myperfectwords.com/blog/expository-essay/expository-essay-examples/expository-essay-example-grade-7-pdf.pdf>
3. Beenu biara ndzi mbre wosi kyerεw nkyerεkyerεmu susukyerew ho nkɔmbɔ na hom mfa hom nkɔmbɔdzi no nto gua.
4. Kyerεw nkyerεkyerεmu susukyerew a okitsa nsensin ebiasa wɔ tsirasem yi ho. “Ebenadze ntsi na nkorɔfo kɔ do kɔ wimu nserahwε?”
5. Hom ekuwekuw no mu no, hom mfa mbre wosi kyerεw sukyerε susukyerew na ne nhyehyε ntoto nkyerεkyerεmu susukyerew dze no ho. Hom mfa dza hom hunii no nto gua.

MBOBODO HO NSEMBISA

1. Kyerew amandzeebə susukyerew a okitsa asensin kor pər na kyere adwentsitsir asentəw na nsentəw a wəboa nkyerəkyerəmu a ɔwə mu.
2. Fa woara wo nkasafua kyere amandzeebə susukyerew ase.
3. Kyerə mbre ibesi egyina **mbrə wosi kyerew** na **nhyehyee** no do dze akyerew amandzeebə susukyerew afa tsirasəm “Suahu mapa bi a menya wə m’abrabə mu” ho.
4. Hom ndzi amandzeebə susukyerew ne nhyehyee ho nkombə na hom mfa hom nkombədzi no nto gua.
5. Kyerew amandzeebə susukyerew a okitsa nsensin ebiasa wə tsirasəm “Akwantu bi a mo were nnkefir da” ho na kyerə mbre wosi kyerew amandzeebə susukyerew. Kyerə adwentsitsir asentəw a ɔwə asensin biara mu.
6. Kyerew mbre ibesi ahyehyε wo nsəm afa tsirasəm yi “Mo skuul ho asəm” ho.
7. Kyerew sukyerə susukyerew a okitsa nsensin ebiasa wə tsirasəm “Me nyenko berəbo” ho. Kaa də ibedzi nhyehyee no do.
8. Ebənadze nye nkyerəkyerəmu susukyerew?
9. Kyerew nkyerəkyerəmu susukyerew a okitsa nsensin ebiasa wə tsirasəm “Ndua a wotwitwa no basabasa no, no nsunsuando” ho. Kaa də ibedzi nhyehyee no do.
10. Fa amandzeebə na nkyerəkyerəmu susukyerew toto ho. Kyere nsə na nsorsoree a ɔwə ebien no mu.

EXTENDED READING

1. Read for further knowledge: <https://www.grammarly.com/blog/expository-essay/>
2. Denenga, M. S. (2019). *Writing Mastery: Expository Essay: Expository Essay*. Munaii
3. Josephine, E. (2020). Narrative Essay <https://doi.org/10.13140/RG.2.2.29485.03041>
4. Lee, K. (2020). *How to write great essays*. Kalvin Lee
5. For more on narrative essay https://www.researchgate.net/publication/338778494_Narrative_Essay
6. Read for further clarification <https://myperfectwords.com/blog/descriptive-essay>
7. Neumann, J. (2016). *A professor's guide to writing essays: The no-nonsense plan for better writing*. 2nd Edition. Jacob Neumann
8. Read <https://fresh-essay.com/descriptive-essays>

REFERENCES

1. Ackley, E. et al (1986) *Macmillan English 12* Macmillan Publishing Company 886 Third Avenue New York, NY 10022
2. Crew, F. (1987), *The Random House Handbook* (5th Edition) McGraw. Hill Publishing Company New York
3. MacGraw Hill, G. (2000) *Grammar and Composition Handbook* McGraw-Hill Publishing Company
4. Grieve D. W., and Pratt, K (1971), Certificate English Language, Western Printing Service Ltd., Bristol
5. Herfferman, A.W and Lincoln, J.E. (1982), Writing, A College Handbook, Third Ed. W.W. Norton & Company Inc. London
6. Marius, R. & Wierner H.S. (1988), *College Handbook (2nd edition)* The McGraw – Hill Publishing Company

ACKNOWLEDGEMENTS



Ghana Education
Service (GES)

